



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

41. An qui cum conscientia mortalis ministrat excellentius Sacramentum, debeat dictum Sacramentum explicare? Et an hoc intelligatur de aliis Sacramentis, excepta Eucharistia? Et quid, quando Minister ...

[urn:nbn:de:hbz:466:1-76393](#)

De Circumstantiis aggrau. Ref. XL. &c. 367

tom. I. tract. 2. disp. 2. punt. 1. n. 5. vbi sic ait; Inquires an iactantia eiudem sit specifica malitia cum peccato, de quo iactas, ac proinde in confessione teneatis dicere, & declarare peccatum, de quo fuit iactantia, si fuit, inquam, iactantia de furto, vel de fornicatione.

9. Affirmat Sanchez illo cap. 3. numer. 13. Moverur, quia virtus non solum prohibet peccatum sibi formaliter contrarium; sed etiam delectationem, & iactantiam di illo. Quae sententia vera omnino est, si iactantia sit cum gaudio de peccato commisso: at si gaudium excludas, & solum peccatum iactantiae committas, existimo probabilius non variari eius malitiam ex varietate peccati circa quod versatur; ac proinde te non esse obligatum declarare peccatum, cuius fuit iactantia, sed sufficienter satisfacere dicendo, te de mortali culpa iactasse. Probo, quia tota iactantiae malitia consistit in captanda gloria, & honore ex malefactis, quod verò male facta sint latrocina, homicidia, aut fornicationes, materiale quid est, & per accidens ad iactantia malitiam; sicut ad violationem voti, & iuramenti, materiale quid est, quod violatio sit in castitate, vel in paupertate. Ita tenet expressè Nauarros Summ. prælud. 9. n. 4. Neque verum est quamlibet virtutem prohibere iactantiam de peccato sibi contraria, sicut prohibet, delectationem, gaudium, & desiderium illius, quia iactantia de peccato quocunque sit, per se prohibetur à virtute humilitati: est enim iactantia filii superbie, seu inani gloria, vt dixit Gregor. lib. 3. moral. cap. 31. & Diuus Thomas communiter receptus 2. 2. quæf. 132. art. 4. Ac proinde humilitati contraria, at delectatio, gaudium, & desiderium de peccato solum ab ea virtute prohibetur, qua prohibetur ipsum peccatum.

RESOL. XL.

An si Sacerdos in Missa Eucharistiam ab aliis consecrata in peccato mortali multis ministrat, debet hanc circumstantiam explicare?

Et an saltem stando in opinione affirmativa, sufficiat, si se accusat Eucharistiam administrasse in peccato mortali, sine expressione, & numero personarum, quas communicavit? Ex part. 1. tr. 7. Ref. 41.

^{1. In hoc §. 1.} Negatiuè respondeo: quia in tali casu reperitur tantum unicum peccatum mortale in genere moris, absque injuria proximi: sicut, v.g. si aliquis vna a perfidie Baptismi, aut vna absolutorio ne baptizaret, leu absoluere simul multos. Et ita docet Tannerus in 2. 2. disp. 4. q. 2. dub. 4. n. 56. Henriquez lib. 5. c. 5. n. 6. & alij.

2. Imò, vt in tract. de celebrat. Missarum, diximus, est probabilis illa sententia, quæ docet, Sacerdotem, in peccato mortali alias sacram Eucharistiam ministrantem, non peccare mortaliter, vt docet Vasquez in 3. p. tom. 2. disp. 136. c. 3. n. 38. Ioan. de la Cruz in director. Confes. p. 2. q. 4. dub. 3. concl. 1. & alij.

3. Quidquid in contrarium afferat Fillius in tom. 1. tract. 4. c. 9. num. 271. Coninch. de Sacram. q. 64. art. 6. dub. 1. num. 35. Valentia tom. 4. disput. 9. q. 10. & alij.

4. Vnde appetet, me olim probabiliter respondi-

se, quendam Parochum Eucharistiam infirmis per ciuitatem ministrantem cum peccato mortali, mortaliter non peccasse: quia, qui ministrat Eucharistiam consecratam, non est minister Dei ad iustificationem proxime, sicut in aliis Sacramentis; sed tantum est veluti applicans actiuæ passus. In aliis autem Sacramentis Sacerdos simul conficit, & ministrat Sacramentum; non autem in hoc: non enim est idem conficere, & aliis ministrare. Cætera Sacra menta in actione, & vnu constunt: Sacramentum vero Eucharistie post consecrationem permanet. Ergo, &c.

RESOL. XLI.

An qui cum conscientia mortalis peccati ministrat excellentia Sacramentum debet dictum Sacramentum explicare?

Et an hoc intelligatur de aliis Sacramentis excepta Eucharistia?

Et quid, quando Minister est in aliquo gravissime, & extraordinario peccato, aut si sit multis, & gravibus peccatis irretitus? Ex part. 1. tr. 7. Ref. 59.

§. 1. Affirmatiuam sententiam docet Ioan. de la Cruz in director. confes. p. 2. de Sacrament. in genere quæf. 4. dub. 3. conclus. 3. & ante illum Ledelma in summa, tom. 1. de Sacrament. in genere cap. 6. conclus. 8.

2. Sed ego contrarium afferendum esse puto: licet enim in tali casu grauius peccetur; attamen in confessione sufficit dicere, se ministrare Sacramentum in peccato mortali. Et idem etiam adversus prefatos Doctores dicendum esse existimo quando minister est in aliquo gravissime, & extraordinario peccato, aut si sit multis & grauibus irretitus peccatis; non enim in tali casu speciem, & numerum peccatorum, cum quibus Sacramentum ministratur, opus est explicare; sed sufficit dicere se Sacramentum cum lethali peccato semel, vel toties ministrasse. Et hoc ego intelligo de aliis Sacramentis, excepta Eucharistia, nam, si quis Eucharistiam ministraret cum reatu peccati mortalis, puto non peccare mortaliter, vt alibi fuse in tract. de celebrat. Missar. cum Vasquez & aliis satis probatum est.

RESOL. XLII.

An qui in peccato mortali exceptit confessiones multorum, non solum peccati mortaliter, sed teneatur hanc circumstantiam aperire?

Et an teneatur explicare numerum personarum, etiam si successivè eos absoluat? Ex part. 1. tractat. 7. Ref. 43.

§. 1. Affirmatiuè respondent aliqui, & putant, ^{Sup. hoc su-} ^{præ in Ref.} talen debere explicare numerum personarum: quia tot peccata mortalia commitit, quot personas absolvit. Ita Azorins p. 1. lib. 4. c. 4. q. 6. Suar. in 3 p. tom. 4. disp. 2. 2. sett. 5. n. 55. & alij.

2. Hæc sententia est probabilis: sed contrariam etiam probabilem existimo ex dictis in superiori Resolutione; dummodo successivè illos penitentes absoluat: est enim unicum peccatum in genere moris; non autem si cum notabili interruptione nunc vnum, nunc alium absoluere. Ideo in casu nostro sufficit, vt dicat postea dictus Confessarius, quando confitetur: Administrari Sacramentum penitentie in peccato mortali. Et hanc sententiam in terminis docet Rodriguez in sum. tom. 2. cap. 44. n. 3. Inuenies

^{Quæ hic est}
^{præterita §.}
^{Imo. & in}
^{aliis eius}
^{not.}

Hh 4 plura